


應城縣志



序

蓋惟國有史邑有志由來舊
矣國史所書將舉夫禮樂兵
農用人行政之大邑志所載
不遺乎田舍溝渠民風物產

序

之細而凡品類情狀世系源
流鄉土爲詳芻言或確則邑
志者又爲國史之所取材與
顧其遠近辨形今昔易勢天
時地氣錯繡循環試以一邑



之志揆之鄰境鄰境之志揆
之方州更以一時之志揆之
數十載以前數十載以後其
物力消長規模損益必有不
同得乎其說當於興利剔弊

序

二

厚生正德之道較如指掌邑
志若茲之重也或者謂邑志
之修非國史比其人通取在
廬井其事顯檢在簿書無人
不可執筆爲之抑知簿書之

事豈關風化體要之事廬井
之人殊非朝夕耳目之人大
約立乎數十載以後指乎數
十載以前口碑偏聽便書依
樣葫蘆臆斷獨行誰許架空

序



三

樓閣非有分彙舊冊直諒通
儒侃侃其談多多益善於以
參互折衷安能無漏無支有
倫有脊而成可信可傳之善
本哉修邑志若茲之難也

宋

歷下庸儒幼稟先中丞庭
訓專攻帖括迫應公車迺稍
旁窺史漢子集等書而於志
傳諸體實未嘗揣摩試作也
曷敢徑任其重且難者但緣

序

四

蒲騷在楚夙號名邑勝國時
臺省鉅公頂背相望文獻述
作應熊熊炳炳觸目琳琅故
筮仕抵任亟索邑志觀之致
伸仰止詎料披閱則斷殘數

卷冗複漫滅不可讀詢其故
皆云明季兵火圖書片紙無
遺已康熙初樊令創志而苟
完齊令續修而未就比年散
落此卷僅存因悚然思方今

序

我

皇上問俗勤民各

憲臺殫心立政萬一邑志是
徵非以殘冊獻必以無有對
能無厚顏忸怩耶况失今不

加理留待後人後人復待後
人待益久並此數卷斷殘者
失之雖欲修末由矣爰屬告
邑中紳士或縮符出牧或下
幃課業罔有仔肩厥事不得

序

六

已每乘退食之罍仍取樊志
補葺漫滅芟除冗複更於田
賦學校職官選舉諸條自康
熙十年以來

功令奉行者依類續入時附

未議發明原委日積月累次第成帙獨人物藝文二項不能不取諸其人用博示咨訪幸舊歲得前齊令所集未成稿抄本詩文二十餘首部列

序

七

擬議人物姓名一幅重加參質使不訛謬益以旌舉節孝男女若而人採訪所得祇張藩參齊滄鷗等數傳文苑儒行隱逸封蔭等若而人計增

入人物共三十有二人而藝
文卒罕見惠頗疑都人士鄙
棄案之不足語于斯文也一
再度量殆亦不然人文得如
右數已不爲少何也樊志辛

序

八

亥距今五十四年除在前者
俱入樊志及今勃起諸賢行
業未竟表章有待外中間蓋
棺論定者不過甲子乙丑上
下三十餘年人耳是時兵荒

居半科第稀踈不觀之山水
乎山之踰疊巘層巒也必坡
隨曼衍而後欽崎萃律之峯
復興水之經瀑布洪濤也必
清漣縈洄而後洶湧澎湃之

序

九


瀾更作甲子乙丑上下三十
餘年是邑運之坡隨曼衍也
清漣縈洄也所謂天時地氣
錯繡循環者故曰不爲少也
若夫勃起諸賢方沐浴于

聖天子雲章之雅化儀式夫各
憲臺勵翼之芳型懋父家邦
勤樹夫三不朽之業熊熊炳
炳觸目琳琅後之君子將收
不勝收志不勝志夫復何難
序

視案 今日所爲特嗚矢乘肅
此私懷之所顛望者矣
皆

雍正四年歲次丙午陽月吉
旦知應城縣事古於陵李

可家 和陽氏題



序

十一

可家

和陽

題

應城縣志凡例

按志必列凡例以定筆法今但冠統括全部者於首其分類之中各有理解則附本條首尾以便覽閱一志主紀述舊文闕者不能益也若大務所存而徵據未確亦直錄傳聞以俟參考

一條目部次前後損益各州邑志原不盡同今取其討論合宜者附以已意折衷爲式

一星野之占驗弗書災荒之蠲賑必記天道遠而君恩重也小序之援引從簡事蹟之考據求詳春華緩而秋實切也

應城縣志

凡例

一祠祀以城隍社稷八蜡及忠孝理學爲正龍神火正之屬能爲地方庇佑者從之禪宮道院雖俗所崇重非典也然漢唐以來創建多矣烏能廢而不紀也故祠廟有志寺觀附焉

一志傳人物惟載先民以蓋棺論定公道始見若時賢則行業未竟其名著汗青當俟後之君子

一叙述人事於各類下有彼此互見者題分賓主故詞分詳畧亦古史體也若遺漏重複則必加訂正

一鼎革之際人物多歷兩朝其入

本朝弗仕者有殷頑之意焉不仍係之明不可也其受爵

本朝者成約變之文矣仍係之明不敢也願圖表章者於
事蹟務從實錄

一舊志鑄版踈於校正藝文志中舛訛尤多其難以意
通者皆附闕疑

一全書告成先資是賴蒐羅之任難於編集創作之功
倍於纂修若前任樊齊兩公及叅校諸君子之勞何
可沒也今脩錄於前後序跋及藝文志中以彰不朽
一州邑志乘執筆者每多入自己政蹟著述未免涉於
矜耀今日從事不願倣也雖有一二好我獎譽之言
概不登錄

應城縣志總目

第一卷

輿圖志 附疆域

星野志

沿革志

山水志 附橋梁津渡

第二卷

城池志 公署 行署 署屬公所 坊表 街道

鄉戶志 倉版 附郵驛 村市 附陂塘堤防

風俗志 節序 附物產

應城縣志

總目

第三卷

職官志 封爵 知縣 典史 巡檢 教諭 訓導

禮儀志

第四卷

學校志 學官 褒崇 從祀 享位 祭品 學田 名宦 鄉賢 忠孝 節烈

第五卷

糧賦志 田畝 戶口 租課 起運 存留 徵收

郵政志

軍旅志

第六卷

選舉志 進士 恩廕 鄉舉 貢生 應例 武科 封

第七卷

古蹟志 附勝槩塚墓

祠廟志

祥異志

雜志

第八卷

循蹟志 附師範

第九卷

人物志上 名德 宦業 文苑 武功 儒術

應城縣志 總目

第十卷

人物志下 孝行 殉難 女德 隱逸 通商

第十一卷

藝文志上 詔 傳 序 雜文

第十二卷

藝文志下 五言古詩 七言古 五言律 七言律 五言排律 六言詩 五言絕 七言絕

修志姓氏

纂修

湖廣德安府應城縣知縣加一級李可霖癸酉長山

參閱

應城縣儒學教諭戴祖詒丙子沔陽

應城縣儒學訓導劉釗珍歲貢荆門

採輯

己丑科進士東安縣知縣周道裕邑人

癸酉科舉人仁和縣知縣黃在瓚邑人

癸巳科副貢生閔景淑邑人

應城縣志

姓氏

歲貢生張慥邑人

歲貢生陳大普邑人

乙酉科武舉人程承祖邑人

校刊

嶠山鎮巡檢司巡檢繆鵬起庚辰大興

應城縣典史陳紹坦庚辰寶坻